

學 生 國 學 叢 書

唐敬臬選註

顧炎武文

商務印書館發行

郡縣論

知封建^①之所以變而爲郡縣^②，則知郡縣之敝而將復變。然則將復變而爲封建乎？曰：不能。有聖人起，寓封建之意於郡縣之中，而天下治矣。蓋自漢以下之人，莫不謂秦以孤立^③而亡，不知秦之亡，不封建亡，封建亦亡；而封建之廢，固自周衰之日^④，而不自於秦也。封建之廢，非一日之故^⑤也；雖聖人起，亦將變而爲郡縣。

①王者以爵土與人，曰『封建』。封建之制三代皆有之，至周益備。爵，分公、侯、伯、子、男五等，公侯地方百里，伯七十里，子男五十里。②秦始皇既併六國，廢封建制，分海內爲三十六郡，是爲郡縣政治之始。③孤立，言其不封建諸侯以爲屏藩也。④春秋戰國時，諸侯互相兼併，天子不能制，固已無封建之實矣。⑤謂其所由來漸也。

方今郡縣之敝已極，而無聖人出焉，尙一一仍其故事，此民生之所以日貧，中國之所以日弱，而益趨於亂也。何則？封建之失，其專在下；郡縣之失，其專在上。○古之聖人，以公心待天下之人，胙○之土而分之國。今之君人者，○盡四海之內爲我郡縣，猶不足也，人人而疑之，事事而制之，科條文簿，○日多於一日，而又設之監司，○設之督撫，○以爲如此，守令○不得以殘害其民矣。不知有司○之官，凜凜焉救過之不給，○以得代爲幸，而無肯爲其民興一日之利者，民烏得而

○在下指諸侯；在上指中央政府。

○胙音祚，族誤切（ $\text{p} \times$ ）。左傳：『胙之土而命之氏』注：『胙，報也；

其人有功於國，因報以土也。』

○猶言爲人之君者。

○科條法令也。文簿案牘也。

○亦曰『憲

司』，爲監察州郡之官。宋置轉運使，監察各路，始有『監司』之稱；明按察使以按察爲職，故亦謂之監

司；清則通稱司道爲監司，以監督府縣爲其專職也。

○督卽總督，爲明清兩代外省統轄文武最高

之官。撫卽巡撫，爲外省行政長官。

○守，太守，爲一府之行政長官。令，邑令，亦稱知縣，爲一縣之行政

長官。

○古代設官分職，事各有其專司，故謂之『有司』。

○謂救護其過失尙虞不及也。

不窮，國烏得而不弱？率①此不變，雖千百年，而吾知其與亂同事，②日甚一日者矣。

然則尊令長之秩，③而予之以生財治人之權，罷監司之任，設世官④之獎，行辟屬⑤之法，所謂寓封建之意於郡縣之中，而二千年以來之敝，可以復振。後之君，苟欲厚民生，⑥強國勢，則必用吾言矣。

郡縣論二

其說曰：改知縣爲五品官，正其名曰縣令。任是職者，必用千里以內習其風土⑦之人。其初曰試令。三年，稱職，⑧爲真。又三年，稱職，封父母。又三年，稱職，璽書⑨勞問。又三年，稱職，進階⑩益祿，任之終身。其老疾乞休者，舉子若弟代。不舉子

①率，循也。詩：『率由舊章。』

②言與亂人共事也。書太甲：『與亂同事，罔不亡。』

③秩，官職之品級。

④世襲其官也。

⑤自行辟用其屬吏也。

⑥使民生計優裕也。

⑦猶云風俗。

⑧克當其任也。

⑨天子之印章曰『璽』；璽書，蓋詔敕之別稱。

⑩階，官級也。

若弟，舉他人者聽。既代去，處其縣爲祭酒，^①祿之終身。所舉之人，復爲試令。三年，稱職爲真，如上法。

每三四縣若五六縣爲郡，郡設一太守。太守三年一代。詔遣御史巡方，^②一年一代。其督撫司道悉罷。令以下設一丞，^③吏部^④選授。丞任九年以上，得補令丞以下，曰簿，^⑤曰尉，^⑥曰博士，^⑦曰驛丞，^⑧曰司倉，^⑨曰游徼，^⑩曰嗇夫^⑪之屬，備設之，毋裁。其人聽令自擇，報名於吏部，簿以下，得用本邑人爲之。

令有得罪於民者，小則流，^⑫大則殺。其稱職者，既家於縣，則除其本籍。夫使

①古時會同饗讌，必尊長先用祭酒以祭，故凡同列中以齒德相推者爲祭酒；漢以後，又因以爲官名。

②巡察四方也。

③佐貳官之稱。

④舊官制六部之一，掌中外文職銓敍黜陟之政。

⑤卽

主簿，掌諸簿目。

⑥典獄及捕盜之官。

⑦教授之官。

⑧司驛站之官。

⑨主倉庫之吏。唐制：在府，

曰倉曹參軍；在州，曰司倉參軍；在縣，曰司倉。

⑩秦漢時鄉官，掌巡禁盜賊。

⑪秦制：鄉置嗇夫，職聽

訟，收賦稅；漢、晉、劉宋皆因之，後廢。

⑫五刑之一，安置遠方，終身不返也。

天下之爲縣令者，不得遷，又不得歸，其身與縣終，而子孫世世處焉。不職者流，貪以敗官者殺。夫居則爲縣宰，去則爲流人，賞則爲世官，罰則爲斬絞，豈有不勉而爲良吏者哉？

郡縣論二

何謂稱職？曰：土地闢，田野治，樹木蕃，溝洫修，城郭固，倉廩實，學校興，盜賊屏，戎器完，而其大者，則人民樂業而已。

夫養民者，如人家之畜五牝。然司馬牛者一人，司芻豆者復一人，又使紀綱之僕監之，升斗之計，必聞之於其主人，而馬牛之瘠也日甚。吾則不然，擇一國人之勤幹者，委之以馬牛，給之以牧地，使其所出常浮。於所養，而視其肥息。

○凡獸育子曰牝，音字，齊民要術：『牛馬豬羊驢五畜之牝，畜牝則速富之術也。』○爲總管之僕人。

○浮，溢也，過也。

○者賞之，否則撻之。然，○則其爲主人者，必烏氏○也，必橋姚○也。故天下之患，一圉人之足辦，而爲是紛紛者也；不信其圉人，而用其監僕，甚者并監僕又不信焉，而主人之耳目亂矣。於是愛馬牛之心，常不勝其吝芻粟之計，而畜產耗矣。故馬以一圉人而肥，民以一令而樂。

郡縣論四

或曰：無監司，令不已重乎？^⑤子弟代，無乃專乎？千里以內之人，不私其親故乎？^⑥

夫吏職之所以多爲親故撓^⑦者，以其遠也。使並處一城之內，則雖欲撓之

○息蕃殖也。

○然猶『如此』也。

○烏氏名僕，秦人，以畜牧爲業，至用谷量牛馬。始皇令僕比封君，

以時與列臣朝請。

○橋姓，姚名，亦畜牧家。史記貨殖傳：『唯橋姚已致馬千匹，牛倍之，羊萬頭，粟以

萬鍾計。』

○已猶『太』也。言如不設監司，則邑令之權無乃太重乎。

○親故，親戚故舊也。

○撓

擾也。五代史：『爲政不苛撓。』

而有不可者。自漢以來，守鄉郡者多矣。曲阜之令，鮮以貪酷敗者，非孔氏之子①獨賢，其勢然也。若以子弟得代而慮其事，叢爾②之縣，其能稱兵以叛乎？上有太守，不能舉旁縣之兵以討之乎？太守欲反，其五六縣者，肯舍其可傳子弟之官而從亂乎？不見播州③之楊，傳八百年而以叛受戮乎？若曰無監司不可爲治，南畿十四府四州，何以自達於六部④乎？且今之州縣，官無定守，民無定奉，是以常有盜賊戎翟⑤之禍，至一州則一州破，至一縣則一縣殘，不此之圖而慮令長之擅，此之謂不知類也。⑥

郡縣論五

天下之人，各懷其家，各私其子，其常情也。爲天子爲百姓之心，必不如其自

①曲阜令由孔子子孫世襲，故云。

②小貌。

③播州，唐置，今貴州遵義縣。

④南畿十四府四州，由

中央直轄，故云。六部，戶、吏、禮、兵、刑、工六部也。

⑤戎，西方之外族；翟，與『狄』通，北方之外族。此泛指外

寇。⑥類，猶事也。

爲，此在三代。○以上已然矣。聖人者因而用之，用天下之私以成一人之公，而天下治。夫使縣令得私其百里之地，則縣之人民皆其子姓。○縣之土地皆其田疇，縣之城郭皆其藩垣，縣之倉廩皆其困窳。○爲子姓，則必愛之而勿傷；爲田疇，則必治之而勿棄；爲藩垣，則必繕○之而勿損。自令言之，私也，自天子言之，所求乎治天下者，如是焉止矣。

一旦有不虞○之變，必不如劉淵○、石勒○、王仙芝○、黃巢○之輩，橫行千

○三代夏商周也。

○子姓猶言『子孫』。儀禮注：『言子姓者，子之所生。』

○困，廩之圓者，區區

切，(一)窳，窳同『窳』，戒孝切，(二)皆積貯之所。周禮：『困窳倉城。』

○繕，修補也，音膳。

○虞料度也，不虞，猶言意外。

○五胡前漢之主，匈奴種。南匈奴自漢以後，入居塞內，冒姓劉氏，家於

汾晉之間，魏分其衆爲五部。淵於晉初爲左部帥，會八王亂起，遂自爲漢王，又五年稱帝。晉五胡亂華，

自淵始。

○五胡後趙之主，羯種。初爲羣盜，歸劉淵，淵使將兵，陷中國州郡甚衆，乃據襄國（今直隸

順德）。

○唐濮州人。僖宗初，作亂，黃巢應之，數月間衆至數萬，連下曹、濮諸地，

進寇荆南，爲招討使曾元裕所敗，遂死。

○唐曹州人。僖宗時，王仙芝爲亂，巢起兵應之，仙芝敗死，巢

進寇荆南，爲招討使曾元裕所敗，遂死。

○唐曹州人。僖宗時，王仙芝爲亂，巢起兵應之，仙芝敗死，巢

里，如入無人之境也。於是有效死勿去之守，於是有效從締交^①之拒。非爲天子也，爲其私也；爲其私，所以爲天子也。故天下之私，天子之公也。公則說，信則人任焉。此三代之治可以庶幾，^②而況乎漢唐之盛，不難致也。

郡縣論六

今天下之患，莫大乎貧。用吾之說，則五年而小康，十年而大富。且以馬言之：天下驛遞往來，以及州縣上計^③，京師、白事、司府、迎候上官，遞送文書，及庶人在官所用之馬，一歲無慮百萬匹，其行無慮萬萬里。今則十減六七，而西北之馬羸^④，不可勝用矣。以文冊言之：一事必報數衙門，往復駁勘必數次，以及迎候、生辰、

率衆攻掠河南、江西、福建、浙東、宣歙、廣南諸州，乘勢取洛陽，陷長安，遂稱齊帝；李克用討破之。^①合從，卽『合縱』，南北之國聯盟也；此泛稱互相聯合。締交，猶言結交。賈誼過秦論：『天下之士合從締交，相與爲一。』^②庶幾，猶言幾及；謂殆可以及三代之治也。^③進呈一歲中之簿計也。^④羸，『驛』之本字。

拜賀之用，其紙料之費，索諸民者歲不下巨萬。今則十減七八，而東南之竹箭①不可勝用矣。他物之稱是②者，不可悉數。

且使爲令者得以省耕斂③，教樹④畜，而田功之獲，果蓏⑤之收，六畜之孳，材木之茂，五年之中必當倍益；從是而山澤之利亦可開也。夫採礦之役，自元以前，歲以爲常，先朝⑥所以閉之而不發者，以其召亂也。譬之有窖金焉：發於五達之衢⑦，則市人聚而爭之；發於堂室之內，則唯主人有之，門外者不得而爭也。今有礦焉，天子開之，是發金於五達之衢也；縣令開之，是發金於堂室之內也。利盡山澤而不取諸民，故曰此富國之策⑧也。

郡縣論七

①箭竹之小者。

②稱讀去聲，猶當也；謂他物之費用與此相當者。

③省，視察也。斂，收穫也。

④樹，

讀上聲，蜀羽切（尸×），種植樹木也。

⑤蓏，音裸，魯夥切（夕×巳）。木實曰『果』；草實曰『蓏』。

⑥指

明。

⑦衢，權于切（く口），四達道也。

⑧與『策』同。

法之敝也，莫甚乎以東州之餉而給西邊之兵，以南郡之糧而濟北方之驛。
○今則一切歸於其縣，量其衝僻，^①衡其繁簡，使一縣之用，常寬然有餘。又留一縣之官之祿，亦必使之溢於常數，而其餘者然後定爲解京之額。

其先必則壤定賦，^②取田之上中下列爲三等或五等，其所入悉委縣令收之。其解京曰貢，^③曰賦，其非時之辦，^④則於額賦^⑤支銷，若盡一縣之入用之而猶不足，然後以他縣之賦益之，名爲協濟。此則天子之財，不可以爲常額。然而行此十年，必無盡一縣之入用之而猶不足者也。

郡縣論八

善乎葉正則之言曰：『今天下官無封建而吏有封建。』州縣之敝，吏胥

○言挹此注彼。

○衝衝要僻偏僻。

○則等也，則壤定賦謂分地之等差以定租賦之多少也。書

『成則三壤成賦。』

○貢亦賦也；孟子『夏后氏五十而貢。』

○不常之費用也。

○額賦有定額之

經常賦稅也。

○名適，宋人官司業，忤韓侂冑，坐貶杜門著述。學者稱水心先生。

窟穴○其中父以是傳之子，兄以是傳之弟。而其尤桀黠者，則進而爲院司之書吏，以掣州縣之權。上之人，明知其爲天下之大害而不能去也。使官皆千里以內之人，習其民事，而又終其身任之，則上下辨而民志定矣。文法○除而吏事簡矣。官之力足以御吏而有餘，吏無所以把持其官而自循其法。昔人所謂養百萬虎狼於民間者，將一旦而盡去。治天下之愉快，孰過於此。

郡縣論九

取士之制，其薦之也，略用古人鄉舉里選之意；其試之也，略用唐人身言書判之法。○縣舉賢能之士，間歲④一人試於部，上者爲郎，⑤無定員，郎之高第，

○胥吏之掌案牘者，周禮：『七曰胥，掌官叙以治鈇。』窟穴猶言蟠據。○謂法律規則之屬。○唐

書：『凡擇人之法有四：一曰身，體貌豐偉；二曰言，言辭辯正；三曰書，楷法遒美；四曰判，文理優長。四事

皆可取，則先德行，德均，以才；才均，以勞。④間歲，謂隔一歲也。漢書：『間歲而祿。』⑤秦、漢郎官，本直

宿衛；其後任曹務者，亦稱『尚書郎』。唐始於諸司皆置郎中，而貳以員外郎。歷代因之，迄於明清。

○得出而補令。次者爲丞，於其近郡用之。又次者，歸其本縣，署爲簿尉之屬。而學校之設，聽令與其邑之士自聘之，謂之師，不謂之官，不隸名於吏部。而在京，則公卿以上，仿漢人三府辟召○之法，參而用之。夫天下之士，有道德而不願仕者，則爲人師；有學術才能而思自見於世者，其縣令得而舉之，三府得而辟之；其亦可以無失士矣。

或曰：間歲一人，功名之路無乃狹乎？化天下之士使之不競於功名，王治之大者也。且顏淵不仕，○閔子辭官，④漆雕未能，⑤曾皙異撰，⑥亦何必於功名哉？

○凡舉官，選士，成績優美者皆曰『高第』。如漢書『尹翁歸以高第入爲右扶風』。後漢書『擢其高第爲太子舍人』是也。○文獻通考『安帝元初六年，詔三府選掾屬，高第能惠利牧養者五人』。

③孔子弟子名回，字子淵，魯人。一簞食，一瓢飲，在陋巷，不改其樂。④名損，字子騫，亦孔子弟子。論語：

『季氏使閔子騫爲費宰，閔子騫曰：『善爲我辭焉。』』⑤漆雕姓，名開，亦孔子弟子。論語：『子使

漆雕開仕，對曰：『吾斯之未能信。』』⑥曾皙名點，曾子之父，亦孔子弟子。論語：『點，爾何如？』……

對曰：『異乎！三子者之撰，』言其所志異於子路，冉求、公西華之在從政也。

廣師

茗文汪子○刻集，有與人論師道書，謂『當世未嘗無可師之人。其經學修明者，吾得二人焉，曰顧子寧人，李子天生。○其內行淳備者，吾得二人焉，曰魏子環極，○梁子曰緝。』④炎武自揣鄙劣，不足以當過情之譽，⑤而同學之士，有茗文所未知者，不可以遺也，輒⑥就所見評之。

○清初長洲人，名琬，茗文其字也。晚居堯峯，因以自號。康熙中舉博學鴻詞，授編修，與修明史。與時魏禧、侯方域並稱古文三大家，而琬尤醇正。有鈍翁前後類稿、堯峯詩文鈔。○名因篤，一字子德，富平人。其學以朱熹爲宗，工詩，尤精音訓，有受祺堂集、漢詩音注。○名象樞，順治進士，官至刑部尚書。嘗言：『大臣之誼，在以人事君。』故於君子小人進退消長之際，爭之尤力，爲清初直臣之冠。④名熙，鄆陵人。仕至御史。性澹泊寧靜，作文必合古人矩度。⑤情實也，謂譽過其實也。論語：『聲聞過情，君子恥之。』⑥輒猶『卽』也。

夫學究天人，^①確乎不拔，吾不如王寅旭；^②讀書爲己，探賾洞微，^③吾不如楊雪臣；^④獨精三禮，^⑤卓然經師，^⑥吾不如張稷若；^⑦蕭然物外，^⑧自得天機，^⑨吾不如傅青主；^⑩堅苦力學，無師而成，吾不如李中孚；^⑪險阻備嘗，與時屈伸，^⑫吾不如路安卿；^⑬博聞強記，羣書之府，吾不如吳任臣；^⑭文章爾雅，宅心和厚，吾

○[△]天天象人人事。

○名錫闌，號曉庵。吳江人。精通中西天學，所著曉庵新法，言交食最精審。

○[△]讀

音噴，乍核切（[△]出），幽深也。洞澈見也。

○^④名瑀，武進人。著有飛樓集二百卷。

○^⑤周禮、儀禮、禮記，謂

之『三禮』。

○^⑥傳授經學之師也。

○^⑦濟陽人。名爾岐。明季諸生。入清隱居教授，不求聞達，著有儀禮

鄭注句讀、儀禮考註訂誤等書。

○^⑧謂蕭然出於塵俗之外也。

○^⑨天機猶『天性』。莊子：『其嗜欲

深者，其天機淺。』

○^⑩名山，陽曲人。隱於黃冠，康熙中，徵舉鴻博，堅臥不試。

○^⑪名顯，號二曲。藍屋人。

刻苦獨學，經史百家無不通覽。晚年講學富平，關學自張橫渠後，至是復盛。

○^⑫猶言與俗浮沈。列子：

『屈伸任物而不在我。』

○^⑬名澤溥。曲周人。嘗拯亭林於難。

○^⑭名志伊。仁和人。淹貫經史，兼精天官、

樂律、奇任之術，著有周禮大義、託山詩文集等。

不如朱錫鬯；○好學不倦，篤于朋友，吾不如王山史；○精心六書，○信而好古，吾不如張力臣。○至于達而在位，其可稱述者，亦多有之，然非布衣○之所得議也。

初刻日知錄自序

炎武所著日知錄，因友人多欲鈔寫，患不能給，遂於上章闢茂○之歲，刻此八卷。歷今六七年，老而益進，始悔向日學之不博，見之不早，其中疏漏往往而有，而其書已行於世，不可掩。漸次增改，得二十餘卷，欲更刻之，而猶未敢自以爲定，

○名驛尊，號竹垞。秀水人。肆力古學，無書不覽；詩文既勝，金石考證之學亦精。著有曝書亭集。○名

宏撰，字無異。華陰人。工書能文，精金石之學，著有易圖象述、華山志、砥齋集。○六書：一曰指事；二曰

象形；三曰形聲；四曰會意；五曰轉注；六曰假借。○四名：昭、山陽人。貧而嗜古，喜集金石文字。○布衣，

庶人也。鹽鐵論：『古者庶人耄老而後衣絲，其餘則僅麻枲。故曰布衣。』○庚戌也。古人但以甲子

紀日，其用以紀年者，別立歲陰歲陽諸名。